

**U G O V O R A**  
**ZA NABAVKU TONERA ZA POTREBE USTAVNOG SUDA BOSNE I**  
**HERCEGOVINE**

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, ulica Reisa Džemaludina Čauševića 6/III, Sarajevo, koga zastupa Zlatko M. Knežević, predsjednik Ustavnog suda Bosne i Hercegovine, (u daljem tekstu: **Naručilac**),

i

**DEFTER d.o.o.**, Gatačka br. 20, Sarajevo, koga zastupa Refik Redžović, direktor (u daljem tekstu: **Isporučilac**).

**Član 1.**

Predmet ugovora je nabavka i sukcesivna isporuka tonera za potrebe Naručioca, prema definisanim uslovima iz tenderske dokumentacije broj SU-08-842-4/19 od 27. avgusta 2019. godine i prema sadržaju ponude broj 9-9-1/19 od 9. septembra 2019. godine sa kojom je Isporučilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

**Član 2.**

Ukupna cijena za nabavku iz člana 1. ovog ugovora, definisana nakon e-aukcije, iznosi 5.200,00 KM bez PDV-a odnosno 6.084,00 KM sa PDV-om.

Pojedinačne cijene definisane su obrascem za cijenu ponude iz ponude Isporučioca, odnosno novim obrascem za cijenu ponude dostavljenim nakon održane e-aukcije.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

**Član 3.**

Isporučilac se obavezuje da će robu isporučivati sukcesivno, u skladu sa potrebama Naručioca, u roku od 72 sata od prijema pismene ili usmene narudžbe u prostorije Naručioca - Reisa Džemaludina Čauševića 6, treći sprat, Sarajevo.

Isporučilac se obavezuje da će isporučiti novu, nekorištenu robu upakovanu u originalnoj i neotvorenoj ambalaži, od originalnog proizvođača uz označavanje pakovanja na propisan način.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz obrasca za cijenu ponude Naručioca i ponudi Isporučioca.

Isporučilac garantuje da su ekvivalentni toneri kompatibilni sa uređajima navedenim u tenderskoj dokumentaciji te će, u slučaju da ih uređaji ne mogu učitati i/ili printati, bez naknade dostaviti adekvatnu zamjenu.

#### **Član 4.**

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po kvalitativnom i kvantitativnom prijemu robe bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### **Član 5.**

Ugovor se zaključuje na period od godinu dana od dana potpisivanja ugovora, odnosno do njegovog ispunjenja ili okončanja nove procedure odabira najpovoljnijeg ponuđača u skladu sa Zakonom o javnim nabavkama Bosne i Hercegovine.

#### **Član 6.**

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

#### **Član 7.**

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

#### **Član 8.**

Ovaj ugovor stupa na snagu danom potpisivanja od strane ovlaštenih lica ugovornih strana.

**Član 9.**

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.


**ZA ISPORUČIOCA**

  
Refik Redžović

Direktor

Sarajevo, \_\_\_\_\_  
Broj: \_\_\_\_\_

**ZA NARUČIOCA**

  
Zlatko M. Knežević

Predsjednik  
Ustavnog suda Bosne i Hercegovine

Sarajevo, 26. septembar 2019. godine  
Broj: SU-08-842-11/19